

# Zana ya Elimu ya Dijitali

Sehemu ya 1: Maarifa ya Jumla ya Elimu ya Dijitali

Sehemu ya 2: Programu za Lugha

Sehemu ya 3: Programu za Ajira

Sehemu ya 4: Programu za Elimu

# Utangulizi wa Economic Integration Suite

Economic Integration Suite (EIS) imegawanywa katika sehemu 4: Sehemu ya kwanza ni Muhtasari wa mada saba za Elimu ya Dijitali. Sehemu 3 zifuatazo zinahusiana na programu na zinakagua njia 3 za masomo ya dijitali, ikiwemo Masomo ya Lugha ya Kiingereza, Ajira na Elimu. Fomu zote 24 za maelezo zimeundwa ili kuongeza stadi zako za dijitali na ujasiri wa kuendelea kuwa mshindani katika uchumi wa dijitali.

## JEDWALI LA YALIYOMO LA EIS

### Sehemu ya 1: Muhtasari

- 1.1 App Stores
- 1.2 Kufuatilia Matumizi ya Data
- 1.3 Kuepuka Ulaghai
- 1.4 Ufuatiliaji Watoto
- 1.5 Kudhibiti Historia yako ya Dijitali
- 1.6 Programu Hasidi, Virusi, Ulinzi dhidi ya Virusi na Kinga Mtandao
- 1.7 Taarifa za Kupotosha

### Sehemu ya 2: Lugha

- 2.1 Rosetta Stone
- 2.2 Lingokids
- 2.3 Duolingo
- 2.4 Tarjimly
- 2.5 Google Translate

### Sehemu ya 3: Ajira

- 3.1 Google Suite
- 3.2 Gmail
- 3.3 LinkedIn
- 3.4 Indeed
- 3.5 Craigslist
- 3.6 Glassdoor
- 3.7 Zoom
- 3.8 CreditWise

### Sehemu ya 4: Elimu

- 4.1 Huduma za Elimu Duniani (World Education Services)
- 4.2 SettleIn
- 4.3 Coursera
- 4.4 Google Hangouts

# Watu Maarufu

Kwa kila fomu ya maelezo kuhusu programu, mtu maarufu anatoa taarifa kuhusu mipangilio ya lugha, ufikiaji wa mifumo yote ya dijitali, matumizi ya data yanayotarajiwa na gharama. Pia, kuwa makini kuhusu alama za **JILINDE** au **FAHAMU** zilizo chini ya kila fomu ya maelezo.

## Mipangilio ya Lugha



Programu inapatikana katika zaidi ya lugha 2



Programu inapatikana katika lugha 1-2

## Ufikiaji wa Mifumo Yote ya Dijitali



Inapatikana kama programu ya wavuti na ya cha mkononi na ufikiaji kwenye vifaa vyote



Inapatikana tu kama programu ya mkononi na inafikiwa kwenye simu za mkononi na tableti

## Matumizi ya Data Yanayotarajiwa



Programu hutuma na kupokea taarifa mara kwa mara kutoka kwenye minara ya simu za mkononi



Wakati imeunganishwa kwenye Wi-Fi, taarifa inaweza kupakuliwa kwa matumizi ya nje ya mtandao



Taarifa nyingi zinahifadhiwa kwenye programu na kupatikana kwa matumizi ya nje ya mtandao

## Gharama Inayotarajiwa



Matumizi ya Bila Malipo



Gharama inatofautiana kulingana na usajili, lakini programu inaweza kuwa na toleo la bila malipo lenye vipengele vichache



Alama ya **JILINDE** inaonyesha ujumbe muhimu wa usalama kwa watumiaji wa programu



Alama ya **FAHAMU** inaonyesha maelezo muhimu ya kujua unapotumia programu.

## App Stores

Programu ni zana za dijitali zinazotumiwa kutekeleza majukumu kwa mambo ya binafsi na kazi. Programu za wavuti zimeundwa kwa matumizi kwenye kompyuta, huku programu za mkononi zikiwa zimeundwa kwa matumizi ya simu za mkononi. Nyingi ya programu hizi huhitaji watumiaji kupakua programu moja kwa moja hadi kwenye vifaa vyao. Hata hivyo, baadhi ya programu za wavuti zinahitaji mtandao na hakuna kupakua. Baadhi ya programu kama vile Microsoft Word, programu unayoweza kutumia kuandika wasifukazi na barua za maelezo mafupi, zinapatikana katika miundo yote miwili, lakini nyingine zinapatikana tu katika muundo mmoja. Unaweza kupakua na kusakinisha baadhi ya programu bila malipo.

**Programu nyingi zinaweza kununuliwa, kupakuliwa na kusakinishwa kupitia tovuti ya msanidi programu au kupitia mfumo wa kusakinisha programu.**

### Mifumo ya Usakinishaji wa Programu

App store unayotumia hutegemea kifaa unachomiliki. Ikiwa una iPhone, tumia App Store. Ikiwa una kifaa cha Android, tumia Google Play Store na ikiwa una kifaa cha Samsung, tumia Galaxy Store.

#### App Store



Mfumo huu wa kusakinisha programu unafikiwa kiotomatiki kwenye kifaa chochote cha Apple kinachotumika kwenye Mfumo wa Uendeshaji wa Apple (iOS). App Store inatoa programu zilizoundwa na Apple na wasanidi programu wa nje.

#### Google Play



Mfumo huu wa kusakinisha programu unafikiwa kiotomatiki kwenye kifaa chochote kinachotumika kwenye mfumo wa uendeshaji wa Android. Mfumo huu una programu zilizosanidiwa na Google na wasanidi programu wa nje.

#### Galaxy Store



Mfumo huu wa kusakinisha programu unafikiwa kiotomatiki kwenye kifaa chochote kinachotumika kwenye mfumo wa uendeshaji wa Samsung. Mfumo huu mara nyingi huwa na programu zilizosanidiwa haswa na, au kwa ajili ya mfumo wa uendeshaji wa Samsung.

### Misimbo ya QR

Misimbo ya QR, au Jibu la Haraka, ni misimbopau inayohifadhi data. Data hii inaweza kujumuisha viungo vya wavuti, viungo vya kupakua programu, tiketi, au taarifa nyingine zinazoweza kuletwa na kuchanganua msimbo. Ingawa iPhone zinazotumia iOS 11 au toleo la juu na simu za mkononi za Android Pixel zinaweza kuchanganua misimbo ya QR kiotomatiki, **simu nyingi mahiri hutumia programu zinazoweza kupakulika kama vile Google Lens na Kisomaji cha Msimbo wa QR** ili kufanya hivyo.

**Hebu ijaribu sasa! Pata na upakue kichanganuzi cha QR cha bila malipo kutoka App store yako. Kisha, jaribu kuchanganua Msimbo wa QR ulio hapa chini ili kufikia CORE Nav!**

CORE Nav hukupa taarifa kuhusu mada nyingi kuhusu maisha nchini Marekani. Mada nyingine zinajumuisha kujifunza Kiingereza, ajira, udhibiti wa pesa na elimu.



## Kufuatilia Matumizi ya Data

Ingawa kompyuta, simu za mkononi na vifaa vingine vya elektroniki vyenye intaneti vimeleta nafasi nyingi za ajira, pia vimeleta changamoto na hatari nyingi. Kutozwa kwa ajili ya data zaidi na kuwa mateka wa uhalifu wa mtandaoni ni vitu viwili maarufu. Masuala haya mengi hutokana na matumizi ya moja kwa moja ya huduma ya intaneti yasiyo ya busara wala uangalifu. **Yeyote anayetumia kifaa kinachounganisha kwenye intaneti anapaswa kuelewa data ya mtandao wa simu na Wi-Fi, jinsi zinavyolipiwa na jinsi ya kuzitumia kwa usalama na kwa bei nafuu.**

### Data ya Mtandao wa Simu

Unapotumia data ya mtandao wa simu, kifaa chako kinaunganisha kwenye intaneti kwa kutuma na kupokea taarifa moja kwa moja kwenye na kutoka minara ya simu ya mkononi, inayodumishwa na Watoa Huduma.

Watoa Huduma wa Simu za Mkononi hutoa mipango ya data ambayo huwaruhusu wateja kulipa ada moja inayofidia kiasi cha matumizi ya data kwa kipindi kilichowekwa, au ada moja kwa matumizi ya data bila ukomo. Unapotafuta mipango ya data, unaweza kuona ofa kama vile ifuatayo: Jigabaiti mbili (GB) za fidia ya \$34.99 kwa mwezi. Katika mipango hii, wakati mtumiaji anazidisha kikomo cha data yake ya kila mwezi, anatozwa kwa data ya ziada kwa kiwango cha juu kwa GB. Mteja anaweza pia kutarajia kulipa ada za ziada zaidi kwa kuzidisha kikomo chake cha data.



### Wi-Fi

Unapotumia Wi-Fi, kifaa kinaunganisha kwenye intaneti kwa kutuma na kupokea taarifa kupitia kisambaza data cha karibu. Kisambaza data ni kifaa kinachochomekwa kwenye kebo, kebo za mtandao, au mtandao wa Digital Subscriber Line (DSL) na pia inatoa huduma ya intaneti pasiwaya kwenye vifaa ndani ya nusu kipenyo iliyowekwa.

Kwa jumla, kipimo data cha Wi-Fi kinatozwa bei moja. Unalipia jumla na unaweza kuitumia mara kwa mara au kidogo unavyohitaji. Hakuna tunu kwenye matumizi yako. Ili kuweka mtandao wa Wi-Fi wa faragha nyumbani mwako, utahitaji kununua au kukodisha kisambaza data kutoka kwa Mtoa Huduma za Intaneti. Kuna Watoa Huduma Wengi wa Intaneti wa kuchagua. Hakikisha kuwa umefanya utafiti na kulinganisha kampuni ili upate bei nzuri! Mwulize Msimamizi wako wa Huduma ikiwa kuna mapunguzo ya Wi-Fi kwa familia za mapato ya chini unayoweza kutuma ombi.

Kwenye simu na tableti nyingi, mipangilio ya Wi-Fi na simu ya mkononi inafikiwa kwa urahisi. Ili kufuatilia matumizi ya data yako, zima data ya mtandao wa simu yako ukiwa eneo lenye Wi-Fi. Pia unaweza kuchagua kuzima data ya mtandao wa simu kwa programu mahususi. Ukichagua kufanya hili, inaamisha utaweza tu kufikia programu hizi wakati kifaa chako kimeunganishwa kwenye Wi-Fi.

Biashara nyingi hutoa Wi-Fi bila malipo kwa wateja wanaolipa. Kuunganisha kwenye Wi-Fi ya umma bila malipo hukuruhusu kufikia intaneti bila kuhitaji kutumia data ya mtandao wa simu ambayo ni ghali, lakini si salama sana! **Wadukuzi na wahalifu wa mitandao wanaotumia mtandao uo huo wa Wi-Fi bila malipo wanaweza kujaribu kufikia manenosiri, majina ya watumiaji, taarifa za benki na barua pepe zako.** Wakati usalama unahusika, unganisha ukitumia data yako ya simu ya mkononi!



## Kuepuka Ulaghai

**Ulaghai ni jaribio la uongo la kumhadaa mtu kwa njia ambayo inamnufaisha kifedha mtu anayehadaa, kwa hasara ya mtu anayehadaiwa.** Ni muhimu kuelewa aina chache maarufu za ulaghai na kujua jinsi ya kuzitambua.

### Ulaghai Maarufu

Hapa chini pana mifano minne ya ulaghai maarufu. Kuna mamia zaidi. Kwa jumla, tahadhari kuhusu simu, barua pepe, au ujumbe wa maandishi unaotoa ofa ambazo ni za kutilia shaka, zinatoa vitisho au shtuma, zimejaa makosa ya hijai na sarufi, au kuomba Taarifa Zinazotambulisha Binafsi (PII).

#### Fedha za Ushindi Zisizotarajiwa

Katika ulaghai huu, mtu anayehadaiwa anatumia mawasiliano na kuambiwa kuwa ameshinda pesa, bidhaa, au huduma katika shindano ambalo hakushiriki. Anaombwa atume pesa au PII ili kudai fedha za ushindi. Fedha hizi za ushindi huwa hazitumwi. Ukiwa na PII yako, mtu anayehadaa anaweza kufikia akaunti yako ya benki na kuhamisha akiba yako hadi kwenye akaunti yake binafsi.

#### Mashirika ya Hisani ya Uongo

Katika ulaghai huu, mtu anayehadaiwa anatumia mawasiliano na mtu anayejifanya kuwa mwakilishi wa shirika la hisani, ambaye baadaye anaomba pesa. Tafuta mashirika ya hisani mtandaoni ili uthibitisha uhalali wayo na utumie tu vituo salama vya mchango kutoa mchango wa pesa.

#### Kodi Unazodaiwa

Katika ulaghai huu, mtu anayehadaiwa anapigiwa simu na mtu anayedai kuwa mwakilishi wa Huduma ya Mapato ya Ndani (Internal Revenue Service, IRS) au tawi jingine la serikali, akitisha kukamatwa au kufukuzwa nchini isipokuwa alipe ada fulani. IRS haitawahi kuomba PII, hivyo usitoe zako! Ukipigiwa simu ya aina hii, angalia nambari ya simu ya anayepiga katika kivinjari chako. Hii itakusaidia kujua ikiwa nambari iliripotiwa awali kuwa ya ulaghai. Ikiwa una wasiwasi, ripoti tukio kwa Msimamizi wako wa Huduma.

#### Ofa za Kazi Bila Kuziona

Katika ulaghai huu, mtu anayehadaiwa anatumia mawasiliano na kampuni bandia inayompa kazi kabla hajahojiwa ana kwa ana wala kutuma ombi rasmi. Usiwahi kumpa mwajiri mtarajiwa PII yako bila kuthibitisha uhalali wao.

## Je, Taarifa ya Kutambulisha Binafsi ni Nini?

Taarifa ya Kutambulisha Binafsi (PII) ni taarifa yoyote ambayo inayoweza kukutambulisha binafsi. Inajumuisha, lakini si tu yafuatayo:

- Nambari za Ruzuku ya Serikali
- Majina Kamili
- Tarehe za Kuzaliwa
- Anwani
- Nambari za Akaunti ya Benki

## Je, ni dalili gani zinazoonyesha kuwa ujumbe huu ni wa ulaghai?



- Sauti isiyo rasmi
- Ombi la kadi ya kulipa mapema

## Je, nini kingine?

## Kuwafuatilia Watoto

Kama mzazi katika kipindi cha dijitali, kufuatilia shughuli za mtoto wako mtandaoni kunaweza kuwa kugumu. Ni muhimu kuwafunza watoto kuhusu intaneti, ambayo itakuwa sehemu ya maisha yao ya jamii, elimu na taaluma. Wakati uo huo, **ni muhimu kulinda watoto dhidi ya vipengee vyenye madhara kuhusu intaneti, ikijumuisha unyanyasaji mtandaoni, maudhui yasiyofaa, unyanyasaji kifedha na wawindaji watoto mtandaoni.** Udhhibiti wa mzazi na zana za kufuatilia ni muhimu kwa kuwalinda watoto wenu.

### Misamiati Muhimu

Programu mpya ya Android na iOS (Apple) inajumuisha udhibiti wa mzazi uliojengewa ndani. Programu za ziada za udhibiti wa mzazi zinapatikana bila malipo, au nunua kwenye mifumo ya kusakinisha programu (kwa maelezo zaidi kuhusu app stores, kagua 1.1).

#### Unyanyasaji mtandaoni

Unyanyasaji mtandaoni ni kutuma, kuchapisha, au kushiriki maudhui hasi, yanayodhuru au ya uongo kumhusu mtu kwenye ujumbe wa maandishi, programu, mitandao ya jamii, mijadala, au michezo ya video ambapo watu wanaweza kutazama, au kushiriki maudhui na wengine.

#### Wawindaji Watoto Mtandaoni

Wawindaji watoto mtandaoni ni watumiaji wa mtandaoni ambao ni watu wazima wanaowatumia vibaya watoto kwa kutumia teknolojia ya dijitali kutafuta na kuwalenga watoto.

#### Vichujio vya maudhui

Zana hizi huzuia watoto kufikia maudhui yasiyofaa kwa umri. Vichujio vya maudhui vinapatikana kwenye programu, vifaa na vivinjari vingi.

#### Vidhibiti vya Matumizi

Vidhibiti hivi huzuia muda ambao watoto wanafikia programu fulani, saa ambazo wanatumia programu fulani na ikiwa wanaweza au hawawezi kufikia programu kabisa.

#### Zana za Ufuatiliaji

Zana hizi huwaruhusu wazazi kufuatilia eneo la vifaa, kuona kile ambacho watoto wanafanyia vifaa vyao na kujifunza kuhusu vipengee vingine vya matumizi yao.



### Kitu cha Kuangazia

Kuna njia nyingi ambazo watoto na vijana wanaweza kutumia kwenye intaneti. Kama wazazi, kuelewa unyanyasaji mtandaoni na wawindaji watoto mtandaoni kunaweza kukusaidia kuzuia.

Programu na michezo mingi huonekana kwenye ununuzi ndani ya programu. Hizi huwaruhusu watoto kufanya ununuzi halisi wa fedha. Inapowezekana, zuia ununuzi wa ndani ya programu kwa kusasisha mipangilio ya udhibiti wa mzazi na kuepuka kuunganisha taarifa yako ya benki kwenye duka la programu.

Maudhui ya vurugu, ngono, au yasiyofaa yanapatikana kila mahali kwenye intaneti. Mwepushie mtoto wako hatari kwa kukagua tovuti, michezo na programu kabla ya kuwaruhusu watoto wako kuzitumia.

Inawezekana kumwepushia mtoto wako hatari ya maudhui yanayodhuru, lakini si kuyazuia kikamilifu. **Hakikisha kuwa umejadili usalama wa intaneti na watoto wako moja kwa moja.** Stadi hizi nyingi zitakuwa muhimu katika vipengee vingine vya maisha yao.



## Kudhibiti Historia yako ya Dijitali

Historia yako ya dijitali ni rekodi ya elektroniki ya kila kitu unachokifanya kwenye intaneti. **Kila ujumbe wa maandishi, barua pepe, machapisho ya mitandao ya jamii, picha, ununuzi na mambo unayotafuta kwenye intaneti huhifadhiwa milele.** Kuna safu mbili za historia hii ya dijitali. Safu ya kwanza ni taarifa zinazoweza kufikiwa na mtumiaji yeyote wa intaneti. Ya pili, ni taarifa zinazoweza kufikiwa na Mtoaji Huduma wako wa Intaneti, mashirika, serikali na wahalifu wa mtandaoni. Ni muhimu kuelewa jinsi taarifa hizi zinavyokusanywa, zinachoweza kufanyiwa na jinsi ya kuzidhibiti.

### Misamiati Muhimu

#### Matangazo Maalum

Tovuti nyingi hutumia historia yako ya jumla ya dijitali kutangaza bidhaa kutoka kwenye tovuti ulizotembelea awali.

#### Mtandao wa Faragha wa Dijitali (Virtual Private Network, VPN)

VPN hukupa faragha mtandaoni kwa kuuunda mtandao wa faragha kutoka kwenye muunganisho wa intaneti ya umma. VPN husaidia kuzuia wahalifu wa mtandaoni kuingilia data unayotuma na kupokea kutoka kwenye kifaa chako. Visambaza data vingi vya intaneti vina VPN. Kuweka VPN kunaweza kugharimu ada kidogo ya kila mwezi (*kwa maelezo zaidi kuhusu visambaza data, pitia 1.2*).

#### Kuvinjari kwa Faragha (Hali ya Chinichini)

Unapotumia kivinjari cha intaneti, kinaweza kurekodi unachofanya, kuhifadhi manenosiri na taarifa za fedha na kupakua vidakuzi kutoka kwenye tovuti ulizotembelea awali. Kuvinjari kwa faragha huzuia baadhi ya mambo haya na ni muhimu haswa kutumia ukiwa kwenye kompyuta inayotumiwa na watu wengi.

#### Vidakuzi

Vidakuzi ni data iliyotumwa kutoka kwenye kivinjari cha intaneti na kuhifadhiwa kwenye kompyuta yako. Hatua hii huruhusu tovuti kukumbuka na kurekodi manenosiri na historia ya kuvinjari. Tovuti ikikuonya kuwa hutumia vidakuzi, kwa kutumia tovuti unaipa ruhusa kufikia historia yako ya jumla ya dijitali, hatua inayoweza kusababisha kutumiwa matangazo yanayokulenga.

### Historia Yako Msingi ya Dijitali

Waajiri na wenye nyumba wanaweza kutafuta kwenye akaunti ya mitandao ya jamii ya mwajiriwa au mpangaji mtarajiwa ili kupata maelezo zaidi kumhusu.

#### Mwajiri akipata akaunti yako ya Twitter, Facebook au Instagram, atafikiria nini?



Ili kudhibiti historia yako msingi ya dijitali, unaweza kufanya mambo mawili. Kwanza, weka mipangilio yako ya faragha unayopendelea kwenye akaunti zako zote za mitandao ya jamii. Pili, **chapisha tu kitu ikiwa huna tatizo kila mtu akikiona.** Kuna uwezekano wa wao kukiona wakati wowote!

### Historia Yako ya Jumla ya Dijitali

Si tu kile unachokusudia kuweka hadharani kinachobadilisha historia yako ya dijitali. Mashirika, mamlaka ya kutekeleza sheria, serikali na wahalifu wa mtandaoni hokusanya taarifa kutoka kwa watumiaji wa intaneti. **Taarifa zako zinaweza kutumiwa kwa njia nyingi, kuanzia kuunda matangazo yanayokulenga hadi kuiba kitambulisho chako.**

**Ni wakati gani ambapo shirika linaweza kutoa taarifa zilizo kwenye historia yako ya dijitali kwa mamlaka ya kutekeleza sheria? Je, ni halali?**

Ingawa ni halali kwa mashirika kushiriki historia yako ya dijitali, baadhi ya kampuni zina sera zinazopinga hatua hiyo. Unaweza kulinda historia yako ya dijitali kwa kutumia huduma ya VPN kuficha uwepo wako mtandaoni, kuvinjari katika hali ya faragha ili kuzuia vidakuzi na kuwa mwangalifu kwa kile unachokifanya mtandaoni!





## Programu Hasidi, Virusi, Ulinzi dhidi ya Virusi na Kinga Mtandao

Kuna njia nyingi ambazo walaghai na wahalifu wa mtandaoni wanaweza kutumia kufikia taarifa zako. Pindi wanapofikia kifaa chako, au kufuatilia Taarifa Zinzokutambulisha Binafsi, wanaweza kufungua akaunti za mkopo kwa jina lako, kutoza ununuzi kwenye akaunti yako ya hundi na kuiba pesa kwenye akaunti yako ya akiba. Virusi na programu hasidi ni zana msingi zinazotumiwa kuwasaidia wahalifu katika jitihada hizi. **Kilinde kifaa chako na ujilinde kwa programu za kuzuia virusi na kinga mtandao!**

### Misamiati Muhimu

#### Programu Hasidi

Programu hasidi ni aina yoyote ya programu mbaya iliyoundwa ili kupata idhini ya kufikia, au kuharibu kifaa cha elektroniki. Mara nyingi huwa imeundwa ili kuiba pesa. Virusi vya kompyuta ni aina ya programu hasidi inayoruhusu wahalifu wa mtandaoni kufikia taarifa zako za benki na kuvuruga muamana wako (kwa maelezo zaidi kuhusu muamana, pitia 4.1).

#### Virusi vya Kompyuta


Virusi vya kompyuta ni programu hasidi, au msimbo, unaokusudia kubadilisha jinsi kifaa kinavyofanya kazi. Virusi vinaweza kusambaa baina ya vifaa vilivyunganishwa, kuiba manenosiri, kurekodi mibonyezo ya kibodi, faili mbovu, wawasiliani wa barua pepe taka na hata kumiliki kifaa. Husambaa kupitia viambatisho vya barua pepe, faili na programu zilizopakuliwa na maudhui ya mitandao ya jamii yaliyoshirikiwa.

#### Ulinzi dhidi ya Virusi

Kampuni mbalimbali, kama vile Norton, huunda programu za kuzuia virusi. Vifurushi hivi vya programu zinazoweza kupakuliwa hugharimu ada ya kila mwezi, lakini hutoa ulinzi thabiti dhidi ya programu hasidi na virusi.

#### Kinga Mtandao

Kinga mtandao ni sawa na programu ya kuzuia virusi kwa muunganisho wako wa intaneti. Hufuatilia na kudhibiti trafiki ya mtandao inayoingia na kutoka. Pia huweka vizuizi baina ya mitandao ya ndani ya kuaminika na mitandao ya nje isiyoaminika.



### Ishara za Kuonyesha Kuwa Huenda Una Virusi

- Madirisha ya kuibuka mara kwa mara
- Mabadiliko kwenye ukurasa wako wa mwanzo
- Barua pepe zilizotumwa kutoka kwenye akaunti yako ambazo hukuandika
- Kompyuta au programu kuacha kufanya kazi mara kwa mara
- Utendakazi uliopungua kuliko kawaida
- Programu zisizojulikana kwenye kifaa chako
- Shughuli zisizo za kawaida



### Jinsi ya Kuzuia Virusi na Programu Hasidi

- Usibofye kwenye matangazo yanayoibuka
- Tumia miunganisho salama ya mtandao na usishiriki skrini wala kuunganisha kompyuta ambazo hazina ulinzi dhidi virusi.
- Kagua faili kila wakati kabla ya kuzipakua
- Tumia programu unayoamini ya ulinzi dhidi ya virusi

## Taarifa za Kupotosha

Intaneti imerahisisha kupatikana kwa taarifa. Huruhusu pia usambazaji wa taarifa kwa haraka. Leo, unaweza kupata taarifa kwa urahisi kuhusu matukio ya sasa mtandaoni, lakini **si kila kitu unachosoma kwenye intaneti ni cha kweli**. Iwe umepata taarifa yako kwenye mitandao ya jamii au chanzo cha habari, unapaswa kuangalia usahihi wa unachosoma mtandaoni ili kuthibitisha ikiwa ni za kweli.

### Habari Bandia

**Habari bandia ni kauli ya kisasa inayoeleza taarifa za kupotosha kwenye mitandao ya jamii, kama vile Facebook na Twitter. Kauli sasa inatumiwa sana na watu na vyombo vya habari**, Habari bandia inamaanisha kuwa taarifa ni za uongo na hazina vyanzo, wala manukuu ya kuweza kuthibitisha. Habari bandia zinaweza kumaanisha kosa. Kwa mfano, ikiwa chanzo cha habari kinashiriki taarifa ambazo hazikuangaliwa usahihi, ambazo kitatambua baadaye kuwa za uongo. Habari bandia zinaweza pia kuwa taarifa za uongo zinazoshirikiwa makusudi. Watu wanaweza hata kukiita kitu kuwa habari za uongo ilhali ni cha kweli.

Kwa wale wasiofahamu intaneti, vyanzo vingi vya vyombo vya habari vya tashtiti au kijembe huonekana kuwa kweli. Taarifa kwenye mifumo ya tashtiti si halisi. Mfumo unaojulikana sana wa tashtiti ni Onion – unaweza kusoma kwenye [theonion.com](http://theonion.com).

Taarifa za kupotosha si rahisi kutambua kila wakati. **Tumia vyombo vya habari vya kuaminika na visivyoegemea upande wowote kuwa chanzo chako cha habari**. Unaweza kuchagua kutembelea moja ya programu za wavuti zifuatazo zinazoaminika kwa ajili ya habari zako: New York Times, Wall Street Journal, Washington Post, National Public Radio (NPR), Economist, New Yorker, Reuters, Atlantic, au Politico.

Hatimaye, chanzo cha chombo cha habari unachopendelea ni uamuzi wako. Jaribu kusoma mitazamo tofauti. Kwa mfano, labda chombo cha habari unachopendelea kiliorodheshwa hapo juu. Ikiwa ndivyo, zingatia kusoma chanzo cha habari cha kimataifa pia kama vile BBC. Hatua hii itatoa mtazamo wa Marekani na wa kimataifa kuhusu habari na kukuruhusu kuwa na maoni yako kuhusu siasa, serikali na matukio mengine ya kisasa.

## Kutambua Taarifa za Kupotosha

Hakuna njia rahisi ya kutambua taarifa za kupotosha, lakini unaweza kuanza kwa kuchukua hatua zifuatazo:




- Jiulize maswali kuhusu unachokisoma
- Elewa mifumo ambayo hutoa taarifa za kupotosha mara kwa mara
- Chunguza ukweli

Unaweza pia kutumia programu, kama vile kuangalia usahihi kupitia Reuters ili kutambua taarifa za kupotosha:

[www.reuters.com/fact-check](http://www.reuters.com/fact-check).

## Taarifa kupita kiasi

Machi 2020, Shirika la Afya Duniani (World Health Organization, WHO) lilitaja taarifa za kupotosha kwenye intaneti kuhusu janga la virusi vya korona kuwa 'taarifa kupita kiasi.' Ili kukabiliana na taarifa za kupotosha zinazopatikana kwenye mitandao ya jamii, WHO ilianza kampeni ya kudhirisha uvumi ulioenea kote kuhusu virusi vya korona. Kwa mfano, kula kitunguu saumu kulinda watu dhidi ya kupata virusi vya korona.



## 2.1 ELIMU YA DIJITALI | Lugha



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Njia ya Matumizi ya Data



Gharama Inatofautiana


Rosetta Stone ni mpango wa masomo ya lugha ya kina unaoangazia mazungumzo. Wanafunzi hufanya mtihani wa kuwekwa kwenye darasa na matokeo yanatumiwa kuanzisha njia ya masomo ya lugha yaliyobinafsishwa ya mwanafunzi. Mazoezi huwaomba wanafunzi **kuoanisha sauti na maandishi yenye picha, kujifunza matamshi sahihi ya maneno na kujifunza sarufi na misamiati mipya**. Rosetta Stone ni kiambata cha kina cha madarasa ya Masomo ya Lugha ya Kiingereza ya ana kwa ana.



### Mipango ya Usajili na Bei

Rosetta Stone hutoa mipango ya usajili ya madaraja kwa miezi 3, 6, 12 na 24. Kila mpango una ada ya uamilishaji ya mara moja, inayohitajika wakati wa ununuzi wa mwanzo na ada ya kila mwezi. Utahitaji kulipa ada ili ufikie ukufunzi wa moja kwa moja. Angalia tovuti ya Rosetta Stone kwa bei za sasa:

[www.rosettastone.com/buy-english](http://www.rosettastone.com/buy-english). Ukinunua leseni, hakikisha kuwa umewasha usajili otomatiki ili uepoke bili ya mara kwa mara.



**Rosetta Stone hutoa vipindi vya ukufunzi wa ana kwa ana, ulio na vipindi vya mafunzo ya kikundi kidogo cha dakika ishirini na tano vinavyoongozwa na mkufunzi mwenye tajriba.** Ratibu kipindi cha ukufunzi wa moja kwa moja ili kujifunza stadi zako za lugha katika mazingira salama!



### FAHAMU

Baadhi ya masomo yanahitaji uwe na maikrofoni ili urekodi matamshi yako kwa ajili ya tathmini. Unaweza kuchagua kuruka masomo haya hadi uwe nyumbani na uweze kusema majibu yako kwa sauti.



Mipangilio ya Kurekebisha Lugha



Ufikiaji wa Simu ya Mkononi, Tableti na Kompyuta




Njia ya Matumizi ya Data



Gharama Inatofautiana

Lingokids ni mpango wa Masomo ya Lugha ya Kiingereza ulioundwa kwa ajili ya watoto baina ya miaka miwili na minane. Watoto wanajifunza Kiingereza kupitia video na shughuli za mwingiliano. Lingokids hutuma barua pepe kwa wazazi ili kufuatilia masomo ya watoto wao. Barua pepe zinajumuisha ripoti za maendeleo zinazowasaidia wazazi kuendelea kufahamu misamiati na nyimbo mpya ambazo watoto wao wanajifunza kila wiki.



### Mipango ya Usajili na Bei

Lingokids hutoza ada ya kila mwezi ili ufikie shughuli, masomo ya mwingiliano, video na taarifa za maendeleo kwa wazazi bila kikomo. Lingokids isiyo na kikomo pia huwaruhusu wazazi kudhibiti data zao kwa kupakua michezo kwa matumizi ya nje ya mtandao (Kwa maelezo zaidi kuhusu kufuatilia watoto, pitia 1.4). Angalia tovuti ya Lingokid kwa bei za sasa: [www.lingokids.com](http://www.lingokids.com).



### Ufikiaji Bila Malipo

Mtu yeyote anaweza kufikia Lingokids msingi bila malipo. Ukiwa na Lingokids ya msingi, watoto wanaweza kufikia shughuli tatu za juu zaidi kila siku. Ufikiaji wa bila malipo haujumuishi taarifa za maendeleo kwa wazazi wala mchezo wa nje ya mtandao.

Lingokids ni mtaala wa kina. Watoto hupitia herufi, nambari, maumbo, rangi na misamiati msingi ya Kiingereza. Lingokids pia hutoa masomo kuhusu mada nyingine zinazovutia kama vile chakula, usafi na dinosau. Ndani ya masomo haya, **watoto hujifunza stadi zao za kutumia mikono kwa kutafuta herufi na kujifunza masomo muhimu kama vile kukumbuka kupiga meno mswaki kila siku!**



### Jilinde

Kama mipango mingi kulingana na usajili, Lingokids itatoza ada ya kila mwezi, bila kujali ikiwa unatumia au hutumii programu hii. Ili kughairi usajili, lazima mtumiaji awasiliane na Lingokids moja kwa moja.



## duolingo



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Njia ya Matumizi ya Data



Gharama Inatofautiana

DuoLingo ni huduma ya masomo ya lugha inayotoa masomo ya mtandaoni na ya programu ambayo huwasaidia wanafunzi wa lugha kuwa na ufasaha. **Kuna zaidi ya kozi 90 zinazotolewa katika zaidi ya lugha 20.** DuoLingo hutoa huduma za bila malipo na za malipo.

### Usajili wa DuoLingo





Ili kuboresha ufahamu na ufasaha wako, zana za masomo ya lugha za DuoLingo zinapaswa kuoanishwa na mafunzo ya darasani. Angalia duka lako la programu, au tovuti ya DuoLingo kwa taarifa kuhusu bei za sasa: [www.duolingo.com](http://www.duolingo.com).

### Huduma za Bila Malipo – Zinapatikana kwa Watumiaji Wote

- Masomo kulingana na alama, ambayo yanaiga michezo ya kufanya masomo ya lugha kuwa ya kufurahia
- Masomo ya kujenga stadi zinazokufunza jinsi ya kusoma, kuandika, kusikiliza na kuongea kwa Kiingereza.
- Zinapatikana kama programu ya wavuti na ya mkononi (kwa maelezo zaidi kuhusu maduka ya programu, pitia 1.1)

### Huduma za Kulipia

- Hakuna matangazo ndani ya programu
- Masomo ya kupakuliwa kwa ajili ya kusomea nje ya mtandao
- Mitihani ya stadi bila kikomo
- Gharama ya kila mwezi



### FAHAMU

DuoLingo ni kiambata maridadi kwa mafunzo ya darasani na ugunduzi wa kila siku, lakini hauwezi kuchukua nafasi ya sehemu hizi muhimu za kujifunza lugha mpya!

## 2.4 ELIMU YA DIJITALI | Lugha



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Matumizi ya Juu ya Data







Ufikiaji wa Bila Malipo

Tarjimly ni **programu ya tafsiri ya bila malipo iliyoungwa haswa kwa matumizi ya wakimbizi** na wafanyakazi wa msaada. Watumiaji huomba kuunganishwa na mtafsiri wa kujitolea katika lugha iliyopo. Angalia tovuti ya Tarjimly kwa orodha ya ofa za lugha za sasa: [www.tarjim.ly/en](http://www.tarjim.ly/en). Kisha watumiaji wanaunganishwa kwenye gumzo la faragha, ambapo wanaweza kutuma nyaraka, ujumbe wa maandishi na rekodi za sauti au kuunganisha kwenye simu ya video.

### Usiri na Viwango

Hata ingawa Tarjimly ni ya bila malipo na watafsiri wote wanajitolea, wanauia kufanya huduma zao kuwa sahihi, za siri na za kufahamika. Wote waliojitolea hupitia mafunzo ya viwango, faragha na mwenendo wa maadili. Hali yoyote ya kutoelewana na mtafsiri inaweza na inapaswa kuripotiwa.



Muda **wastani wa kusbiri ni dakika mbili** ili kuunganishwa na mkalimani. Hata hivyo, huenda ukahitaji muda zaidi kwa lugha ambazo zina wakalimani wachache wa kujitolea.



### Jilinde

Usishiriki Taarifa za Kutambulisha Binafsi (PII) kama vile Nambari yako ya Ruzuku ya Serikali na watafsiri wa kujitolea ambao hawajaidhinishwa na Shirika lako la karibu la Makao Mapya (kwa maelezo zaidi kuhusu PII, pitia 1.3).

## 2.5 ELIMU YA DIJITALI | Lugha



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta




Njia ya Matumizi ya Data



Ufikiaji wa Bila Malipo

Google Translate ni huduma ya tafsiri ya bila malipo inayoruhusu watumiaji **kutafsiri baina ya lugha zaidi ya 100**. Tafsiri ni papo hapo, hivyo ni njia bora ya kuelewa maneno na kauli msingi ukiwa na haraka.




### Tafsiri

Google Translate inaweza kufanya mambo mengi mbali na kutafsiri maandishi yaliyoandikwa tu. Pia inaweza kutafsiri maandishi yaliyochapishwa, maandishi ya mkono na maneno ya kutamkwa na inaweza kugundua kiotomatiki lugha ya baadhi ya maneno yaliyoandikwa, kutamkwa au kuonekana.

### Usahihi

Ingawa Google Translate ni ya haraka na ya karibu, haichukui nafasi ya tafsiri wala ukalimani wa mtaalamu. Ili kuzifanya tafsiri kuwa sahihi, tumia lugha fupi na rahisi. Angalia usahihi kwa kubadilisha lugha asili hadi lugha iliyotafsiriwa na uone ikiwa maana inabadilika.



Chini ya Kichwa cha 4 cha Sheria ya Haki ya 1964, **mashirika yote yanayopokea ufadhili wa serikali kuu yanahitajika kisheria kufanya ukalimani**. Hii inamaanisha kuwa ni jukumu la daktari wako, Msimamizi wako wa Huduma na shule ya mtoto wako kuweka mipango ya kuwepo kwa mkalimani wa ana kwa ana au wa simu anapohitajika!




### FAHAMU

Usahihi wa tafsiri unatofautiana sana baina ya lugha na mara nyingi hautambui maana mbili. Kadri maandishi yanapokuwa mafupi, ndivyo tafsiri inavyokuwa sahihi zaidi.

# G Suite

**Google Suite, au G Suite, ni mkusanyiko wa programu unaohusiana na anwani yako ya barua pepe.** Unafungua akaunti ya barua pepe ya Gmail au Google, unafungua akaunti ya G Suite kiotomatiki. Kila programu ya G Suite inapatikana kama programu ya wavuti na ya mkononi. Unaweza kufikia programu za wavuti kwenye kompyuta yako kwa kuingia kwenye akaunti yako ya Gmail.



**Gmail** ni moja seva za barua pepe zinazotumiwa sana. Jina la mtumiaji na nenosiri lako la Gmail pia hutumiwa kuingia kwenye akaunti yako ya G Suite *(kwa maelezo zaidi kuhusu Gmail, pitia 3.2)*.

**Google Drive** hutoa hifadhi ya wingu ambayo hukuruhusu kuunda na kuhifadhi maudhui kutoka kwenye kompyuta yoyote, mahali popote bila malipo. Kupitia programu hii, unaweza kutumia Hati, Slaidi na Lahajedwali za Google.



**Google Calendar** hukusaidia kudhibiti muda. Unaweza kuitumia kukumbuka miadi, mikutano na makataa muhimu kazini na katika maisha yako ya kila siku.

**Google Photos** hukuruhusu kuweka na kuhifadhi idadi fulani ya picha kwa ajili ya matumizi ya kazini na ya binafsi mtandaoni.



**Google Hangouts Meet** hukuruhusu kutayarisha na kuhudhuria simu za mkutano wa video.

**Google Hangouts Chat** ni huduma ya kutuma ujumbe papo hapo unayoweza kutumia kuwasiliana na wafanyakazi wenza, marafiki na familia *(kwa maelezo zaidi kuhusu Google Hangouts Meet and Google Hangouts Chat, pitia 4.4)*.





Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta




Matumizi ya Juu ya Data



Ufikiaji wa Bila Malipo

Ni muhimu kuwa na anwani ya barua pepe. Madaktari hutumia barua pepe kuwasiliana na wagonjwa, Idara ya Huduma za Sayansi huitumia kutuma noti na waajiri huitumia kuwasiliana na waliotuma maombi.

**Gmail, moja ya seva za barua pepe zinazotumiwa sana, ni rahisi kutumia, salama na bila malipo.**



## Kufungua Akaunti

Ili kufungua akaunti, fungua mtambo wa utafutaji wa intaneti na uandike yafuatayo: [fungua akaunti ya Gmail](#). Bofya kiungo cha kwanza kinachoonekana. Hatua hii itakupeleka kwenye tovuti ambapo unaweza kufungua anwani ya barua pepe. Kumbuka kuifanya anwani yako ya barua pepe kuwa ya kitaalamu na rahisi kukumbuka.

### Mfano wa Barua Pepe

✗ T.K.577ghty@gmail.com

✓ Tatyana.Kravoskyy@gmail.com

## Manenosiri

Maneno haya ya siri, au kauli, hutumiwa kufikia akaunti yako ya barua pepe. Kwa jumla, nenosiri lako lithitaji kuwa na herufi moja kubwa, moja ndogo, kutimiza urefu unaohitajika, kujumuisha nambari na herufi ya kipekee. Nenosiri lako linapaswa kuwa kitu ambacho ni wewe tu unayekijua lakini kiwe rahisi kukumbuka.

### Mfano wa Nenosiri

✗ Password1!

✓ Tk1871!

**Barua pepe ni zaidi ya njia ya kuwasiliana, ni zana ya kitaalamu.** Utaitumia kuwasiliana na waajiriwa watarajiwa, kutuma wasifukazi na kuwasilisha maombi ya kazi.



## Jilinde

Usishiriki nenosiri lako na mtu yeyote! Unapotumia kompyuta ya watu wengi, toka kwenye akaunti yako na utahadhari barua pepe taka *(kwa maelezo zaidi kuhusu barua taka, pitia 1.3)*.



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Matumizi ya Juu ya Data



Gharama Inatofautiana

LinkedIn ndio mtandao mkubwa sana wa jamii wa taaluma. **Waajiri huutumia kutangaza kazi na unaweza kutumia LinkedIn kupata nafasi za kazi na kutangaza ujuzi wako.** Ili kufungua akaunti ya LinkedIn kwenye simu yako, pakua programu ya mkononi na ufuate vidokezo. Ili kufungua akaunti kwenye kompyuta, tembelea <https://www.linkedin.com> na ubofye “join now” (jiunge sasa).

**Mukti Dahal**  
Mratibu wa Ajira kwenye US Together, Inc  
Reynoldsburg, Ohio 443 connections

**Tajriba**

- Mratibu wa Ajira  
US Together, Inc.

**Elimu**

- Tribhuvan Vishwavidalaya  
Uzamili katika Sanaa (MA) Kiingereza/Elimujamii  
2016 - 2020

**Leseni na Vyeti**

- Mtoa Huduma wa Jamii (CHW) mwenye Leseni  
Halmashauri ya Wauguzi ya Jimbo la Ohio (State of  
Ohio Board of Nursing)  
Ilitolewa Septemba 2019 - Haina Tarehe ya Mwisho
- Ripota Aliyemukimshwa  
Franklin County Children Services

## Usajili

LinkedIn ya kawaida ni ya bila malipo na kwa wengi hii imetoshwa. Ukiwa na LinkedIn ya kawaida, unaweza kuanzisha utambulisho wako wa kitaalamu mtandaoni, kuandika machapisho na makala na kutafuta na kutuma maombi ya kazi. Unaweza kupata toleo jipya la LinkedIn Premium. Kuna madaraja ya Premium, yote yakiwa na gharama tofauti kila mwezi. Premium hukuruhusu kutumia mfumo wa barua pepe wa ndani bila kikomo na ufikie LinkedIn Learning. LinkedIn Learning hutoa kozi za mtandaoni kuhusu stadi za programu, teknolojia ya biashara na taaluma. Angalia tovuti ya LinkedIn ili ufikie jaribo la bila malipo na uone bei za sasa. <https://premium.linkedin.com>.

**Writing a Resume**  
General · 2h 38m · Released May 8, 2016  
139,307 viewers  
5,962 members like this course

**What you'll learn**

- ✓ Explain how to present your experience on a resume.
- ✓ Identify where spell check will not catch mistakes.
- ✓ Recognize the proper way to present your dates of employment in your professional experience section.
- ✓ Recall when you will need a traditional resume in the entertainment business.
- ✓ Explain what you could do to fill in the void on your resume when you have been unemployed for over six months.
- ✓ Name the benefits of sending a handwritten thank you note following an interview.
- ✓ Identify some things you can do to help you identify and allocate red flags before applying for a job.

## Mambo ya Kufanya

Tumia sarufi, uakifishaji na hijai sahihi.  
Jibu ujumbe haraka.  
Tumia picha ya kitaalamu.  
Orodhesha stadi zote za taaluma, tajriba ya kazi na elimu.

## Mambo ya Kutofanya

Tumia lugha isiyo rasmi au isiyofaa.  
Chapisha picha au video zisizo rasmi.

LinkedIn ni zana bora ya kujenga mtandao. **Kujenga mtandao ni kitendo cha kupata wawasiliani wa taaluma na jamii.** Wawasiliani hawa wanaweza kukupendekeza kwa waajiri, kukuambia kuhusu nafasi za kazi na hata kuidhinisha stadi zako.



## Jilinde

LinkedIn hutumia InMail inayodhaminiwa kuwasilisha ujumbe ulioboreshwa na wa faragha kwa washiriki wa LinkedIn. Ujumbe huu ni matangazo yaliyowasilishwa kwenye vikasha vya washiriki. Huhamasisha huduma zinazolipwa, kama vile kupata toleo jipya la LinkedIn Premium.



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Matumizi ya Juu ya Data



Ufikiaji wa Bila Malipo

Mojawapo ya sehemu ngumu za kupata kazi ni kupata cheo sahihi cha kutuma ombi. Indeed ni hifadhidata kubwa sana ya nafasi za kazi. **Unaweza kutafuta na kutuma maombi ya kazi moja kwa moja kwenye Indeed.**

## Kufungua Akaunti

Wasifu wako wa Indeed unaweza kutumika kuwa wasifu wako mtandaoni. Ili kusaidia waajiri kukupata, orodhesha tajriba yako ya ajira ya awali, elimu na usasishe ajira, mahali na mapendeleo yako ya mshahara. Fuata kiungo hiki ili ujisajili kwa akaunti ya Indeed bila malipo:

<https://secure.indeed.com/account/register>.

Kipengele cha utafutaji cha Indeed hukusaidia kupata kazi kwenye eneo lako. Tumia taarifa mahususi kupunguza machaguo yako. Anza kwa kuchagua mahali ambapo unataka kufanya kazi. Ikiwa huwezi kuenda huko, hupaswi kutuma ombi! Bainisha katika utafutaji wako ikiwa unataka kufanya kazi ya kudumu au ya muda mfupi na ikiwa uko tayari kufanyia kazi nyumbani. Fikiria njia tofauti ambazo mtu anaweza kurejelea na kutangaza nafasi yoyote. **Tumia maneno tofauti kutafuta kazi; huenda ukakosa kitu usipojaribu maneno mengi iwezekanavyo.**



## Jilinde

Huwa salama kukutana na mwajiri mtarajiwa ana kwa ana kabla ya kumpa Taarifa za Kutambulisha Binafsi (PII) kama vile nambari zako za Ruzuku ya Serikali au akaunti za benki (kwa maelezo zaidi kuhusu PII, pitia 1.3).

## craigslist



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Matumizi ya Juu ya Data



Ufikiaji wa Bila Malipo

Craigslist ni moja ya seva za orodha kubwa na za zamani zaidi za intaneti. Ni **soko la jamii la mtandaoni, ambapo waajiri wanaweza kuchapisha nafasi za kazi, watu wanauza bidhaa za zamani na wenye nyumba kuorodhesha majengo yaliyo wazi**. Ingawa Craigslist ni chanzo muhimu sana cha taarifa, haisimamiwi na msimamizi mtaalamu. Kumaanisha, hakuna mtu wa kuzuia, kuonya wala kuondoa machapisho machafu, haramu au yasiyofaa.

### Kutumia Craigslist kwa Usalama

Craigslist ni muhimu lakini ni muhimu kujua jinsi ya kuepuka ulaghai. Hivi hapa vidokezo vinne vya jinsi ya kutumia Craigslist kwa ajili ya kutafuta kazi huku ukiendelea kuwa salama:

#### Hakikisha

Tumia Google, LinkedIn na Indeed kuhakikisha uhalali wa kampuni. Ikiwa hakuna rekodi ya kampuni wala nafasi ya kazi, huenda ukawa ulaghai (kwa maelezo zaidi kuhusu Indeed, pitia 3.4).

#### Tafuta Ulaghai




Epuka nafasi za kazi zilizo na makosa mengi ya hijai na sarufi na pia zile zinazoorodhesha mishahara ya juu isiyoaaminika (kwa maelezo zaidi kuhusu mishahara, pitia 3.6).

#### Jua Haki Zako

Epuka ofa za kazi zinazohitaji wanaotuma maombi kukamilisha kazi nyingi kabla ya ajira kwa kuwa hii inaweza kuwa njia ya kupata wafanyakazi bila malipo.

#### Usitoe Taarifa za Kutambulisha Binafsi (PII)

Epuka kampuni zinazoomba PII, kama vile Nambari za Ruzuku za Serikali kabla ya mahojiano au kukuajiri rasmi.



### Jilinde

Craigslist ni njia bora ya kupata bidhaa zilizotumika, kama vile magari samani, au vyumba vya kupangisha. Ingawa unapaswa kuwa mwangalifu. Usiwahi kununua kitu wala kupangisha chumba bila ya kukiona kwanza!



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta





Njia ya Matumizi ya Data



Ufikiaji wa Bila Malipo

Kutafuta kazi kunaweza kuvunja mtu moyo! Waajiri wengi hawachapishi mishahara kwa nafasi za kazi na ni vigumu kuelewa kuwa kufanya kazi mahali ni sawa na kabla ya kukubali wajibu. **Glassdoor huruhusu waajiriwa halisi kuwakagua waajiri wao bila kujulikana na kuchapisha mishahara yao.** Hatua hii huwasaidia wanaotafuta kazi kuamua ikiwa watatafuta au hawatatafuta kazi kwenye kampuni hizi.




## Kuelewa Kaguzi na Mishahara

Unaposoma kaguzi za Glassdoor na pia ripoti za mishahara na manufaa, elewa kuwa kaguzi za mtu zinaweza kutokana na mitazamo ya mwajiriwa na si uhalisia wa kazi. Jaribu kusoma kaguzi nyingi iwezekanavyo na utafute mitindo ya jumla. Ikiwa kila ukaguzi unajumuisha maoni kuhusu malipo duni ya mapumziko, basi inawezekana kuwa kweli. Kwa upande mwingine, ikiwa ukaguzi mmoja tu unayataja, huenda isiwe kweli.

Pia unaweza kutumia Glassdoor kujiandaa kwa mahojiano. Ikiwa una mahojiano, angalia Glassdoor ili upate wasifu wa kampuni. Kutoka hapo, nenda kwenye kichupo cha mahojiano na usome kile ambacho watafutaji kazi wengine waliandika kuhusu maswali ya mahojiano yao. Ili kufikia taarifa hizi, utahitaji kufungua wasifu wa bila malipo.

Glassdoor pia ni ubao wa kazi unaotoza waajiri ili kuchapisha nafasi za kazi kwenye tovuti yao. Unapofungua akaunti, pakia wasifukazi wako ili kurahisisha kuwasilisha maombi. Glassdoor itaambatisha wasifukazi wako kiotomatiki lakini usisahau kuambatisha barua ya maelezo mafupi maalum.






## FAHAMU

Kaguzi za Glassdoor hazifichi jina asilimia 100. Huwa sehemu ya historia yako ya dijitali (kwa maelezo zaidi kuhusu historia zako za dijitali, pitia 1.5). Kuwa mwangalifu ili usiharibu uhusiano wa mwajiri kwa kuchapisha taarifa hasi za mtu mahususi kwenye intaneti!

## 3.7 ELIMU YA DIJITALI | Ajira





-  Mipangilio ya Kurekebisha Lugha
-  Ufikiaji wa Simu ya Mkononi, Tableti na Kompyuta
-  Matumizi ya Juu ya Data
-  Gharama Inatofautiana

**Katika utafutaji wako wa ajira, waajiri wanaweza kukuomba ujiunge kwenye mahojiano ya video. Zoom ni moja ya huduma nyingi za mikutano ya video ambayo mwajiri anaweza kutumia.** Mara nyingi, mahojiano ya video yanaombwa wakati kampuni inakagua mapema ombi lako au wakati haiwezi kukualika kwenye ofisi yake kwa mahojiano ya ana kwa ana kutokana na migongano ya ratiba kama vile safari inayohusiana na kazi.

### Kuanza

Unapopanga kujiunga kwenye simu ya video, unaweza kupokea mwaliko wa mkutano mapema. Katika mwaliko huo utapata taarifa kuhusu mfumo utakaotumia. Tembelea duka la programu ili kupakua na kujaribu mfumo kabla ya mahojiano.



Unapojiandaa kwa mahojiano ya video, fanya kila kitu sawa na mahojiano ya ana kwa ana. Hii ni pamoja na kuvalia nadhifu kitaalam. Kabla ya mahojiano ya video, tafuta eneo lenye utulivu la kuzungumza na uwafahamishe wanafamilia au unaokaa nao chumbani kwamba utakuwa na mazungumzo muhimu ya simu. **Ingia mapema, hakikisha kuwa una muunganisho thabiti wa Wi-Fi na ujipe muda wa kutosha wa kutatua matatizo yoyote ya teknolojia.** Huwa jambo zuri kufanya majaribio ya kutumia programu kabla ya mahojiano. Ili kujifahamisha kuhusu mkutano wa video, jifunze kutumia programu na Msimamizi wako wa Huduma, mtu wa kujitolea au rafiki. Unapaswa pia kukagua [Mwongozo wa Mawasiliano ya Dijitali wa HIAS](#) kwa maagizo ya hatua kwa hatua kuhusu kuingia na kuweka mipangilio ya mkutano kwenye Zoom.



### JILINDE

Zoom ina huduma za bila malipo na za malipo. Unapotumia huduma ya Zoom bila malipo, wahalifu wa mtandaoni wanaweza kudukua mikutano na kutiririsha maudhui yasiyofaa. Unaweza kuzuia udukuza kwa kutumia manenosiri ya mkutano na kwa kutochapisha viungo vya mkutano kwenye tovuti za umma wala mitandao ya jamii.



Inapatikana kwa Kihispania na Kiingereza



Ufikiaji wa Simu ya Mkononi, Tableti na Kompyuta



Matumizi ya Juu ya Data




Ufikiaji wa Bila Malipo

**Capital One CreditWise ni huduma ya kufuatilia mikopo inayowapa watumiaji muhtasari wa mikopo kila wiki.** CreditWise ni ya bila malipo hata ikiwa huna akaunti ya mikopo na Capital One Bank.

## Alama za Mkopo

Nambari hii ni tathmini ya juu ya uaminifu wako wa fedha. Kadri alama zako zinapokuwa za juu, ndivyo unavyoweza kuaminika zaidi kulipa pesa ulizokopa. Mkopo mzuri ni muhimu kwa ajili ya kununua nyumba, kupangisha chumba, kununua gari na hata kupata kazi.



## Alama Nzuri

Alama wastani za mikopo ni baina ya 600 na 750. Alama za mikopo juu ya 700 husemekana kwa jumla kuwa nzuri na zaidi ya 800 husemekana kuwa bora zaidi.

## Alama Mbaya

Alama za mikopo chini ya 600 zinaweza kusababisha mtu kukumbana na vikwazo wakati anajaribu kuchukua mikopo au mikopo wa nyumba kutoka kwenye benki.

CreditWise na vipengele na zana kadhaa muhimu. **CreditWise hukuarifu kila wakati kukiwa na mabadiliko makubwa katika alama zako za mikopo jambo linalokusaidia kuzuia udanganyifu wa mikopo na wizi wa utambulisho** (kwa maelezo zaidi kuhusu ulaghai, pitia 1.3). Tumia CreditWise kufuatilia akaunti nyingi za mikopo ili kuona ulicho nacho na unachodaiwa. Kiigaji cha mikopo cha CreditWise hukuruhusu kutabiri athari ambayo maamuzi ya fedha yanaweza kusababisha kwenye mikopo wako.

## Mkopo

Baada ya kukamilisha mafunzo ya Elimu ya Fedha, fungua kadi ya mikopo ili uanzishe mkopo mzuri (kwa maelezo zaidi kuhusu Elimu ya Fedha, pitia 4.2). Kikomo chako cha mikopo ni kiasi unachoweza kuomba wakati fulani. Lazima ufanye malipo ya chini ya kila mwezi kwenye ununuzi wako wote unaotowa kwenye kadi yako ya mikopo. Hata hivyo, ukilipa kiasi cha jumla unachodaiwa kila mwezi, salio lako, hutadaiwa riba.

## Riba

Riba ni ada unayolipa kwa manufaa ya kuomba pesa. Kiasi unachodaiwa kinakotolewa kama asilimia ya kile ulichoomba. Mikopo yote inahitajika kulipwa na riba. Kadri unavyochukua muda mrefu, ndivyo unavyodaiwa zaidi.



## Jilinde

Ili kufikia Capital One CreditWise, utahitaji kutoa Nambari yako ya Ruzuku ya Serikali. Ingawa ni salama na muhimu katika hali hii, tahadhari wakati wote na ufanye utafiti wa programu, mpango, au kampuni yoyote inayokuomba taarifa hii.



Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta



Njia ya Matumizi ya Data



Gharama Inatofautiana

Huduma za Elimu Duniani (World Education Services, WES) hutoa tathmini za vitambulisho za gharama ya chini kwa wanafunzi na wataalamu wanapoiingia kwenye soko la ajira la Marekani au mfumo wa elimu. **Shahada na vyeti vingi vilivyopokelewa nje ya nchi havitambuliki moja kwa moja na asasi za Marekani.** Utahitaji upeleke vichunguzwe na kuidhinishwa.

A document-by-document report is typically required for freshman admission to universities, employment, and immigration.

**CREDENTIAL EVALUATION AND AUTHENTICATION REPORT**

Name: SAMPLE, Sample Date: September 29, 2017  
Date of Birth: Month 01, 1993 Ref #: Page: 1 of 1

**U.S. EQUIVALENCY SUMMARY**

Bachelor's degree from a regionally accredited institution

**CREDENTIAL ANALYSIS**

1. Name On Credential: Sample Sample  
Credential Authentication: Official transcripts were sent directly by the institution  
Country: India  
Credential: Bachelor of Technology  
Year: 2015  
Awarded by: Anna University  
Status: Accredited Institution  
Admission requirements: High school graduation  
Length of program: Four years  
Major/Specialization: Chemical Engineering  
U.S. Equivalency: Bachelor's degree

This report highlights the U.S. equivalency of your credential.

This report identifies and describes each credential, including: name of the credential, requirements for entry and program length, and the equivalent in terms of U.S. education.

INSTRUCTIONS FOR USING THIS REPORT: An explanation of the terms used in this report can be found on the reverse side. This report is valid only when printed on watermarked paper and sealed with an official WES stamp on each page.

## Huduma za Malipo

Bei inategemea na huduma inayohitajika. Tathmini ya hati kwa hati inaipa Marekani kiwango sawa cha hati iliyochunguzwa. Chaguo hili nafuu ni bora kwa kutafsiri na kuidhinisha hati za watu binafsi kwa matumizi katika maombi ya chuo na kwa madhumuni ya uhamiaji.

Tathmini ya kozi kwa kozi ni ya kina sana. Hutoa Grade Point Average (GPA) iliyotafsiriwa na kiwango sawa cha orodha ya madarasa ya Marekani. Hili ni chaguo zuri ikiwa una shahada ya kuhitimu. Angalia tovuti ya WES kwa bei ya sasa: [www.wes.org](http://www.wes.org).

## Huduma za Bila Malipo

WES hutoa zana muhimu za bila malipo. Unaweza kupata hesabu za juu za GPA na ripoti za Degree Equivalency ambazo si rasmi bila malipo. Pia unaweza kutafuta msaada wa masomo ili kukusaidia kulipia kozi zako.



## FAHAMU

Nchini Marekani, vyeti havitambuliwi kutoka asasi zote za elimu. Kabla ya kuanza mchakato, tumia zana ya hati za WES zinazohitaji kujua ikiwa una shahada kutoka chuo kikuu kinachotambulika. Kwa uthibitishaji wa hati, WES inahitaji vyeti kutolewa au kutafsiriwa kwa Kiingereza na mtaalamu aliyeidhinishwa. Pia, lazima nakala za elimu zitumwe kwa WES kwenye bahasha iliyotiwa sahihi na chuo kikuu. Usilipie huduma hadi uthibitishwa kwamba unaweza kukamilisha hatua hizi zote zinazohitajika.





Mipangilio ya Kurekebisha  
Lugha



Ufikiaji wa Simu ya Mkononi,  
Tableti na Kompyuta





Njia ya Matumizi ya Data



Ufikiaji wa Bila Malipo

Ili kuzoea nchi mpya, unahitaji maarifa, stadi na mtazamo sahihi. **SettleIn ni mwongozo wa Mwelekeo wa Tamaduni ulio na kila kitu cha maisha nchini Marekani.**





## Kufungua Akaunti

SettleIn inapatikana kama programu ya mkononi. Pia inaweza kufikiwa kama programu ya wavuti kwenye: <https://desktop.settlein.app/>. Pindi unapoingia, teua lugha unayotaka kujifunzia, onyesha kuwa unaishi Marekani na uanze! Angalia programu ya wavuti ili upate taarifa za hivi punde kuhusu lugha za kiolesura zilizopo.

## Mada za Maelekezo kuhusu Utamaduni

- Mambo Msingi ya Makao Mapya
- Shirika lako la Kutoa Makao Mapya
- Makao
- Udhhibiti wa Pesa
- Kujifunza Kiingereza
- Afya na Usafi
- Elimu
- Usafiri
- Huduma za Jamii



Ili kuhakikisha kuwa unajua mambo yote unayohitaji kuhusu vipengee muhimu vya makao yako mapya, baada ya kila somo kukamilika, utajaribiwa kwa kile ulichosoma. **SettleIn ni rasilimali bora sana ya Maelekezo ya Utamaduni, lakini haichukui nafasi ya mafunzo ya moja kwa moja kutoka kwa wafanyakazi wa Shirika la Makao Mapya la ndani.** Unaweza kuuliza maswali na kupata maelezo zaidi kuhusu mada za ndani ukiwa darasani.



## FAHAMU

Programu ya SettleIn hutumia tu data unapopakua kila mpango wa somo. Ili kuepuka gharama za data, pakua mipango yote ya masomo unapounganishwa kwenye Wi-Fi (kwa maelezo zaidi kuhusu matumizi ya data ya ufuatiliaji, pitia 1.2).



Mipangilio ya Kurekebisha Lugha



Ufikiaji wa Simu ya Mkononi, Tableti na Komyuta




Njia ya Matumizi ya Data



Gharama Inatofautiana

Coursera ni mtoa huduma anayeongoza kwa masomo ya mtandaoni. Mara nyingi kozi hutolewa kama video zilizorekodiwa awali na huambatana na usomaji mtandaoni, mazoezi, seti za matatizo, maswali na mitihani. **Coursera inatoa kozi zaidi ya 2,500, nyingi zikiwa za bila malipo.** Pia inawapa wanafunzi kozi zinazowasaidia kukuza stadi muhimu za kitaalamu.




## Kazi za Malipo

Watumiaji wa Coursera wanaweza kujisajili katika fani, mipango ya cheti cha kozi nyingi. Mipango hii inaweza kudumu baina ya wiki tatu na miezi mitatu, inaweza kulipiwa kikamilifu au kupitia malipo ya vipindi vya kozi baada ya kozi na kwa kawaida huisha kwa ukamilishaji wa mradi binafsi. Watumiaji wanaweza pia kusomea shahada ya kwanza au uzamili inayotolewa kwa pamoja na Coursera na vyo vikiu vinavyoshiriki wakiruhusiwa.

Coursera ya Wakimbizi ilizinduliwa 2016. **Ikiwa wewe ni mkimbizi, unastahiki kutuma ombi la usaidizi wa fedha wa kozi yoyote.** Mchakato wa ukaguzi unaweza kuchukua hadi siku 15.

Tembelea tovuti ya Coursera ili kukagua katalogi ya kozi:

[www.coursera.org/refugees/for-refugee.learners](http://www.coursera.org/refugees/for-refugee.learners).



## Kazi za Bila Malipo

Watumiaji wa Coursera wanapaswa kusoma kozi za bila malipo. Ingawa kozi nyingi zinapatikana kwa Kiingereza, kozi nyingine zinapatikana kwa Kihispania, Kifaransa na Kiarabu pia. Kozi hufunza stadi rahisi kama vile kuhoji na kuandika wasifukazi na stadi ngumu kama vile kujifunza kutumia zana maarufu za Web 2.0, kama G Suite (*kwa maelezo zaidi kuhusu G Suite, pitia 3.1*).



## FAHAMU

Ingawa Coursera inaweza kukusaidia kujenga stadi muhimu na Vyeti vya Fani za Coursera (Coursera Specialization Certificates) vinaweza kuwa njia bora sana ya kudhihirisha maarifa yako kuhusu mada kwa waajiri watarajiwa, kozi hizi mara nyingi hazitumiki kama alama kwa asasi za elimu za kawaida.



Inapatikana kwa Kihispania na Kiingereza



Ufikiaji wa Simu ya Mkononi, Tableti na Kompyuta



Matumizi ya Juu ya Data



Ufikiaji wa Bila Malipo


Google Hangouts ni programu ya mawasiliano mtandaoni inayotolewa na Google. Ina programu mbili, Google Hangouts Meet na Google Hangouts Chat. **Unaweza kutumia Google Hangouts kuwasiliana na wafanyakazi wenza, familia na marafiki kupitia gumzo na simu za kikundi.**

## Google Hangouts Meet

Huduma hii huruhusu simu za video ya kikundi kwa hadi washiriki 10. Wapigaji simu wanaweza kujiunga kupitia nambari ya simu ya kupiga au kupitia programu. Programu pia humruhusu mtu kuanza kupiga simu ili kushiriki skrini yake.

## Google Hangouts Chat

Huduma hii huruhusu kutuma ujumbe kwenye kikundi cha hadi washiriki 150. Gumzo hili linaweza kufikiwa kupitia programu ya wavuti au mkononi. Washiriki wote wanaweza kushiriki picha, viungo na hati kupitia gumzo na kuruhusu ubadilishanaji haraka wa taarifa muhimu.



## FAHAMU

Google Hangouts Meet na Chat hazina usimbaji fiche wa mwanzo hadi mwisho. Usimbaji fiche wa mwanzo hadi mwisho huhakikisha kuwa hakuna mtu isipokuwa wewe na mtu unayezungumza naye anaweza kutamba ujumbe. Unapotumia programu hizi, unaipa Google idhini ya kufikia ujumbe wako wote (kwa maelezo zaidi kuhusu kudhibiti historia yako ya dijitali, rejelea 1.5).

## **Kanusho**

Ujumuishaji wa programu katika zana hii haumaanishi kuwa HIAS inapigia debe huduma hizo.

## **Dondoo la Kielezo**

Nembo zote za programu zilichukuliwa kwenye maduka ya programu na picha za programu za ndani ni picha za skrini zilizopigwa wakati wa kutumia kila programu iliyorejelewa katika zana hii.

**ZANA YA ELIMU YA DIJITALI**